

Miz Sim Guh "Saehnieb Miznaj" Ciuhvunz Engqgya Miznaj

——Geiq Boux Veijyenz Cingsih Si Cwnghez、Boux Cungjinghlij Aen Gunghswh Mizhanh Cizva Dunghlingz Gvangjsih Lingz Dungh

□ Yangz Liujingh raiz Dahdingz hoiz



▲ Lingz Dungh(baiz nduj gvaz) caeuq ranz gig gungzhoj ciem hezyi bangfuz.

“Rapdawz gij cwzyin ndaw-biengz, yungh aen sim gyo’mbaiq aencingz hoizbauq ndawbiengz, ok faenh rengz bonjfaenh bang vunz lai gungzhoj, giyez raeuz, ciuhvunz raeuz cij engq miz yiyi.” Neix dwg coenz hauq boux veijyenz Cingsih Si Cwnghez、boux veiyenz Minzgen、boux cungjinghlij Aen Gunghswh Mizhanh Cizva Dunghlingz Gvangjsih ciengz-seiz gangj de.

Dangguh boux giyezgyah ndeu, boux veijyenz cwnghez ndeu, lai bi doxdaeuj, Lingz Dungh itcig yungh gij cingsaenz banh giyez gamj cauhoq、buekguh baenaj, engq yungh aen sim ndei ndeu hoizbauq ndawbiengz, yungh gunghawj yienj hot go boux giyezgyah ndeu. Baksak Siveij dungjan hawj de aen cwngheuh bouxvunz senhein bi 2015 cien aen giyez bang cien aen mbanj nem sanghi banggunz doengjit hengz-doengh, Baksak Si Gunghsanghleng hawj ciengjungyen doed ok saehnieb miznaj bi 2014–2015. Bouxvunz senhein vut gungz gunggeng Gvangjsih Bouxcuengh Swcigih bi 2017. “Boux senhein mozfan ndawbiengz vut gungz” bi 2017 Cingsih Si.

Gij Cingz Banghag Naekgywd

Geij bi neix daeuj, ndaej daengz Cingsih Si dungjan bouhmonz dazyinx, Lingz Dungh gaenxmaenx haiguh gij hozdung “caemhsim • banghag”. Daj bi 2002 hainduj, Lingz

Dungh dingjmaenh laebdaeb binaengz bangcienz 100 boux hagseng gauhcungh maenhndei gungzhoj Cingsih. 17 bi daeuj binaengz bang 5 daengz 8 fanh maenz, gungh bangcienz 1600 lai boux hagseng gungzhoj, soq bangcienz mauhvaq 100 fanh maenz, hawj gyoengq hagseng ndaej bangcienz neix dingz lai gauj hwnj daihhag, bizyey le bae daengz ndawbiengz, vih gak hangz gak nieb guh ok gungyen. De wngqcingz, daj bi 2018 hainduj laebdaeb 3 bi binaengz bang 100 boux hagseng gungzhoj. Baeznaengz cie ndaej gij dienhvah hagseng ndaej bangcienz gvaq haenx dwk daeuj, Lingz Dungh cungj gig sim’angq, de naeuz: “Maqmuengh gyoengqsou roengzrengz lailai, daengzcog ok faenh rengz ndeu hoizbauq ndawbiengz couh baenz lo!”

Gij Cingz Banggunz Naekgywd

Lingz Dungh baenz miz mbouj lumz gij cwzyin ndawbiengz, gaenxmaenx han’wngq gij iuheuh siveij、si cwngfuj, caeuqfaenh gij hozdung “minzgi bang mbanj • caemhsim caemh byaij”, gaenh song bi neix daeuj, de lij gaenxmaenx caeuqfaenh hong lajmbanj swnghdai caeuq hwnjguh lajmbanj moq, haeujcoengh hwnjguh gij giekdaej sezsih lajmbanj, caemhcaiq giensoengq doengjnyapnyaj、canj、sauqbaet daengj hongdawz hawj Mbanjgohmoz Gizyungz Cunh Sinhcing Cin. Gonqlaeng gien cienz hawj

bouxgunnaz cawx cehfaen go-doengzhau、vafeiz, hawj mbanjgungzhoj、dangjyenz geq gungzhoj, hawj gij hozdung baet seuq lajmbanj caeuq gij saehnieb goeng’ik ndawbiengz daengz 50 lai fanh maenz. Vih caenh’itbough gyavaiq yamqdin vut gungz gunggeng Cingsih Si, baujmaenh ranzgungzhoj laeb dangjanq laeb mbawgaj aen si neix daegbied dwg gyauejvunz gig gungzhoj ranzgungzhoj laeb dangjanq laeb mbawgaj ciuq seiz vut gungz, Cingsih Siveij、Si Yinzminz Cwngfuj iuheuh vunz simndei caeuq giyez simndei daengx biengz haiguh “hozdung bangfuz simndei” “it doiq it” roxnaeuz “it doiq lai” nyinhlingx bangfuz ranz gig gungzhoj, Lingz Dungh gapdoi 75 ranz ranz gig gungzhoj, dwg vunz simndei gapdoi 75 bangfuz ranz gig gungzhoj ceiq lai aen si neix.

Lauxsaed Soujsaenq Guh Ginghyingz

Dangguh aen giyez guh yw swnghvuz, naemj aeu youq aen hawciengz doxceng gig haenq neix ndwn maenh din、aeundaej gijndei, couh aeu doiq bouxhek guh daengz lauxsaed soujsaenq, yungh gij fugsah miz saenqyungh hawj bouxhek saenq ndaej, baenzneix couh laeb gij gvanhaeh yezvu maenh ciengzseiz. Lingz Dungh cingqdwg dingjmaenh gij yenzcwz “caensim cingqheiq guh vunz、lauxsaed soujsaenq guh saeh”, mwh guhhong lauxsaed guh saeh、ginghyingz aeu lauxsaed soujsaenq guh goek、gvaq ndwenngoenz caensim

daih vunz, cijndaej youq aen hawciengz doxceng gig haenq neix ndwn maenhdt, caemhcaiq mboujduenh gyamaenh hawciengz, hawj gunghswh canjiz baumaenh bingzonj demmaj. Guhhong dingjmaenh lauxsaed guh saeh. Dangguh bouxguenleix, guh daengz lauxsaed guhdaez, seizseiz guh daengz “seiq dox seiq mbouj”, couhdwg: Dux haeujcoengh mbouj ceng gienz, dox saenq mbouj ngeizvaeg, dox aeueiq mbouj diuqnanz, dox boiqhab mbouj doideuz. De dingjmaenh ciuq saedsaeh guh guenleix bouhmonz, dingjmaenh “goengcingq、goengbingz、goenghai”, coengzlaiz mbouj aenvih bouxvunz gyaemaij biensim cizgungh. Seizseiz daj gunghswh hwnghat daihbuenz haidin. Mwh guhhong, Lingz Dungh dingjmaenh gouzcaen caen guh、lauxsaed guh saeh. Doiq gaeplaj guhloeng, cungj ndaej gibseiz rapdawz cwzyin, caenhliengh ra banhfap gaijgez, mbouj doi cwzyin. Ginghyingz dingjmaenh yungh lauxsaed soujsaenq guh goek. Youq mwh moix aen singhgiz haihoih, de ciengzseiz naeuz “lauxsaed soujsaenq dwg gij goekgaen giyez hwnghat, bouxhek habhoz dwg gij cunghcij raeuz”. Youq mwh songyauq dinfwngz yezvu siugai, de ciengzseiz gangj daengz: “Aeu caensim daih moix boux vunz henzgyawj, doenghgij vunz neix laueiq cingqdwg gaiq yaekseiz dijbauj raeuz hai aen hawciengz”. Youq mwh siugai huq, de soujsaenq habdoengz, yiemzgek guenj ndei caetliengh huq, nyinhcaen guh ndei hawj bouxhek ndaej habhoz, laeb le gij mingzdaeuz ndei, rengzrwd coicaenh giyez hwnghat.



▲ Lingz Dungh(gvaz haj) bae Cingsih Minzcuз Gauhcungh gien cienz hawj hagseng ranz gungzhoj.